



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCXXXV. Variæ Ordinationes pro restituenda, & conservanda in Hospitali
S. Joannis Hierosolymitani consuetudine armandi Naves contra Piratas.

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

intermedia eorum requisita, & merita fuerint recognita, & approbata, & hac recognitione, & approbatione sic factis statim absque alia diligentia huiusmodi privilegiis frui, & gaudere incipiant, & quoad locum semper immediate sequantur post Patres Ex-Propriales, qui revera Provinciam gubernarunt, aut deinceps gubernaturi sint;

§. 3. A nobis concedi plurimum desideret. Nobis propterea dictus Didacus Assistentis, & Procurator ejusdem Provinciae nomine humiliter supplicari fecit, ut in praemissis opportune providere, & ut infra indugere de benignitate Apostolica dignaremur.

§. 4. Nos igitur ejusdem Didaci Assistentis, & Procuratoris votis, hac in re quantum cum Domino possumus, favorabiliter annuere volentes, & a quibusvis excommunicationis, suspensionis, & interdicti aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium consequendum harum serie absolventes, & absolutum fore censentes, huiusmodi supplicationibus inclinati, ut quatuor duntaxat antiquiores Doctrinarii, seu Parochi Provinciae, & Ordinis praedictorum, qui post adimpletas conditiones, & declarationes supradictas omnibus, & singulis privilegiis, praerogativis, praeminentiis, honoribus, gratiis & Indultis, quibus illi, qui Prior Provinciales Provinciae, & Ordinis praedictorum munere perfuncti tam de Jure, usu, & consuetudine, quam alias quomodolibet utuntur, fruuntur, & gaudent, ac uti, frui, & gaudere possunt, & poterunt in futurum, pari modo, & absque ulla prorsus differentia uti, frui, & gaudere libere, & licite possint, & valeant, auctoritate Apostolica tenore praesentium concedimus, & indulgemus.

§. 5. Decernentes easdem praesentes literas firmas, validas, & efficaces existere, & fore, suoque plenarias, & integros effectus sortiri, & obtinere, & illis ad quos spectat, & pro tempore quodcumque spectabit, plenissime suffragari; Sicque in praemissis per quoscumque Judices Ordinarios, & Delegatos etiam Causarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 6. Non obstantibus Constitutionibus, & Ordinationibus Apostolicis, necnon quatenus opus sit Provinciae, & Ordinis praedictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores, praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad praemissorum effectum hac vice duntaxat specialiter, & expresse derogamus, ceterisque contrariis quibuscumque.

§. 7. Volumus autem, ut earundem praesentium transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica Dignitate constitutae munitis, eadem prorsus fides in Judicio, & extra illud adhibeatur, quae praesentibus adhibetur, si forent exhibitae, vel ostensa.

Datum Romae apud S. Mariam Majorem sub Annulo Piscatoris die 28. Maii 1738. Pont. nostri Anno VIII.

Variae Ordinationes pro restituenda, & conservanda in Hospitali S. Joannis Hierosolymitani consuetudine armandi Naves contra Piratas.

CLEMENS PP. XII.

Ad perpetuam rei memoriam.

P Recipuas Apostolicae auctoritatis, charitativae partes, quibus pro debito Pastoralis officii nostri Ministerio a Misericordiarum Patre nobis injuncto sine personarum acceptione ad omnium Christiani nominis Nationum profectum, commodum, utilitatemque prout temporum, rerum, & personarum qualitate pensata in Domino perspicimus expedire, solliciti advigilare tenemur, hilari, libentique animo suscipere, ac peragere gestimus.

§. 1. Cum autem nobis innotuerit paucas sub vexillo Hospitalis S. Joannis Hierosolymitani in Insula Melitensi armari Naves, ex quo non leve praedictum inferri videbatur, nedum pauperibus Graecis Christianis, qui a Piraticis Navibus sub exteris vexillis armatis facillime depradantur, verum ipsi etiam Hospitali, quod ad Christianifidelium tuitionem expertis Nautis in opportunitatibus providendi minime potuisset; Hinc est, quod nos tam Hospitali praedictum, illiusque Magnum Magistrum, & Fratres adversus quoscumque Orthodoxae Religionis hostes assiduis laboribus, & periculis dimicantes paterno complectimur affectu, quam eisdem Graecos Christianos in Visceribus Jesu Christi diligimus, ut inordinatae huic rei salutare leges, atque opportuna remedia adhiberentur, diuturna, maturaque, sicut negotii gravitas flagitabat, consultatione adhibita, auditique desuper nonnullorum Ven. Fratrum nostrorum S. R. E. Cardinalium sententiis pro facili, recta, & ordinata praedictarum Navium directione sequentem normam perpetuis futuris temporibus valituras praescribere, ac sancire decrevimus, quam de cetero ab omnibus, ad quos spectat, & in futurum spectabit, inconcusse, & inviolabiliter observari volumus, & mandamus.

§. 2. Auctoritate igitur Apostolica statuimus Decretum in Congregatione particulari a se. re. Benedicto PP. XIII. Praedecessore nostro specialiter deputata sub die 22. Aprilis Anni 1729. editum observandum esse cum infrascriptis declarationibus, & ordinationibus, videlicet.

§. 3. Licitam esse depradationem mercium dilectorum filiorum Christianifidelium Graecorum repperarum in Turcicis, sive Piraticis, sive bellicis, non vero in aliis Navibus onerariis, quamvis Turcicis legitime tamen probato, ut infra mercium dominio, & tam in hoc, quam in aliis quibuscumque casibus, in quibus Graeci praedicti praedant depradationem non esse legitime factam, depradantes statim secuta depradatione, Portum vicinorem appellere teneantur, ibique depradati debeant omnino conficere Consolatum, vel per se, vel per alios, denunciando merces, quas proprias praetendunt, cum suis qualitatibus, & quantitatibus, & in termino unius anni a die Portus appulsionis proponere Instantiam cum legitimis documentis, & probationibus, quo elapso non amplius audiantur, dummodo non probetur legitimum impedimentum, probandum tamen in loco, ubi dictum impedimentum evenerit, cum Testimonio Consulis, sive Viceconsulis, si ibi addit, vel in eorum defectu cum Testimonio personae fide dignae, quae in eodem loco reperitur, quo probato, possit Iudex dictum terminum prorogare ad alium annum, vel amplius pro suo arbitrio.

§. 4. Quo vero ad interesse Iudex procedat in illius taxatione, vel a die motae litis a die

CCXXXV.

Exordium.

Ad augendum Navium Melitenium numerum sequentes latae leges.

Decretum anni 1729. servandum cum infrascriptis declarationibus.

Mercium Graecorum quando sit licita.

Quomodo judicandum an depradatio legitima fuerit in casu dubietatis.

Quid de interesse agendum.

Descriptio
Mercium
quomodo fa-
cienda ad
fraudes im-
pediendas.

Quid agen-
dum si depra-
datio even-
iat, prius-
quam Navis
Portum ali-
quem appel-
lat.

Juramentum
a Procurato-
re rerum de-
prædatorum
emittendum.

Aliud jura-
mentum ab
Armatore
præstandum.

Dux Senten-
tiæ confor-
mes trans-
eunt in rem
judicatam.

Quomodo
proceden-
dum ab Au-
ditore Sanc-
tissimi in ap-
pellationi-
bus.

Causæ non
excedentes

deprædationis, prout de jure ad rationem tamen
scutorum duodecim monetæ Romanæ pro quo-
libet centenariis, & anno.

§. 5. Ad arcendas autem fraudes, & collu-
siones, quas Græci cum Turcis admittunt possent,
occultando Turcarum merces, easque uti proprias
describendo, & obfignando, dicta auctoritate sta-
tuimus, ut Dominorum earundem mercium
probandum sit, nec aliter probari possit, quam
per denunciationem juratam, & descriptionem
aut Navigationem factam coram aliquo Con-
sule, seu Viceconsule Catholico, si haberi possit,
sin minus coram quocumque alio Consule, five
Viceconsule, vel iis deficientibus coram persona
fide digna designata Navi, & illius instigatore, seu
Capitano, relicta pœnes ipsum Consulem, seu
Viceconsulem, vel aliam fide dignam personam
hujusmodi descriptionis, & denunciationis copia
legali. Similis etiam descriptio fieri debeat in Car-
ulario Navis, si vero in eo loco, ubi oneratur Na-
vis, nullius Consulis, five Viceconsulis copia sit,
descriptio facta coram persona fide digna iterari
debeat omnino coram Consule, five Vicecon-
sule primi Portus, quem Navis appulerit.

§. 6. Quod si deprædatio secuta sit, antequam
potuerit Navis appellere aliquem Portum, ubi
sit aliquis ex Consulibus, five Viceconsulibus
prædictis, sufficiat descriptio mercium facta,
ut supra coram prædicta persona.

§. 7. Ultra prædicta deprædatus, five ejus legi-
timus Procurator jurare debeat in principio
Judicii in manibus Sacerdotis Græco Catholici,
si causa sit Melitæ cognoscenda; alibi autem jux-
ta ritum cujuscumque regionis, easdem merces
ad se ipsum, vel ejus Principalem pertinere,
nullamque fraudem, vel simulationem subesse,
ut inde Judex cognoscere possit, an Juramentum
consonum sit, vel dissonum a denunciatione ju-
rata, ut supra facta in loco operationis mer-
cium.

§. 8. Causæ vero in prima Instantia a dilectis
quoque filiis Magistratu armamentorum privati-
ve ad quodcumque aliud Tribunal Insulæ Meli-
tensis examinentur, ordinationesque, & statuta
ad eam rem pertinentia observentur, & præcipue,
quod Armator Navigationem non ineat, nisi prius
jurandum de non deprædandis Christianorum
bonis, ac idoneam fidejussionem præstiterit,
quæ fidejussio priusquam a Notario Magistratus
præfati juxta morem approbetur, omnibus illis
Officialibus, qui cetera armatorum requisita so-
lent examinare, proponi debeat, ut eam veluti
unum ex requisitis valde necessariis dignoscant,
& approbent, non tamen eorum periculo, ve-
rum juxta scientiæ dictamen ob majorem
Christianorum indemnitate, securitatemque in
casu injustæ deprædationis.

§. 9. Ac insuper dicta auctoritate declaramus
in prædictis deprædationum causis, secundum
Hospitalis prædicti statuta, & privilegia, aucto-
ritate prædicta concessa, duas sententias confor-
mes omnino sufficere pro efformanda re judicata,
quo in casu, ac in quocumque alio, ubi duæ ad-
sint sententiæ five emanatae ambæ in Insula præ-
dicta una a prædicto Magistratu, & altera a di-
lectis iidem filiis Tribunali Audientiæ, five pro-
latæ una in dicto Tribunali, cetera in Alma Urbe
nostra, quoties a succumbente gravamen evidens
producat, ob quod ulteriori appellationi lo-
cum esse contendat, Auditor noster citationem
pro signanda commissione non expedit, nisi
cum vehemens de injustitia suspicio haberi possit,
qua habita citationem, & compulsoriales expedi-
at, ac deinde transmissis ad Urbem prædictam
actis, perpenderit, an ulterior appellatio admit-
tenda, vel quibus clausulis commissio signanda
videantur.

§. 10. In causis tamen parvi momenti, in qui-
bus petitio pretium scutorum trecentorum mo-

netæ Romanæ non excedat, si Auditor noster
prædictis commissioni locum esse censuerit, eas
semper Judici in Insula Meliten. commoranti,
& partibus minime suspecto committet, inter-
posito Decreto, quod literarum Apostolicarum
hujusmodi vim habeant, in iis autem causis, de
quibus questio sit an petitio scutorum trecentorum
summam excedat nec ne? Ipse Auditor noster,
prout Justitiæ ratio exposcere videbitur, judicabit.

§. 11. Decernentes easdem præsentis literas,
& in eis contenta quæcumque firma, valida, &
efficacia existere, & fore, suosque plenarios, &
integros effectus sortiri, & obtinere, ac ab illis,
ab quos spectat, & pro tempore quodcumque
spectabit in omnibus, & per omnia inviolabili-
ter, & inconcusse observari, & adimpleri: Sic-
que & non aliter in præmissis censi, acque ita
per quoscumque Judices Ordinarios, & Delega-
tos etiam Caesarum Palatii Apostolici Audito-
res, ac S. R. E. Cardinales, etiam de latere Lega-
tos, & dictæ Sedis Nuncios, aliosque quoslibet
quæcumque præminentia, & potestate funge-
ntes, & functuros, sublata eis, & eorum cuiuslibet
quavis aliter judicandi, & interpretandi faculta-
te, & auctoritate, judicari, & definiri debere,
ac irritum, & inane quidquid fecus super his a
quoquam quavis auctoritate scienter, vel igno-
rante contigerit attentari.

§. 12. Non obstantibus præmissis, ac quatenus
opus sit nostra, & Cancellariæ Apostolicæ regula
de jure quasito non tollendo, ac se. rec. Boni-
facii PP. VIII. Prædecessoris nostri de una, & Con-
cilii generalis de duabus dietis, itaut vigore præ-
sentium, etiam ultra duas, pluresque dietas qui-
libet in Judicium trahi possit, aliisque Constitu-
tionibus, & Ordinationibus Apostolicis, necnon
dicti Hospitalis, & Magistratus, ac Tribunalium
prædictorum etiam juramento, confirmatione
Apostolica, vel quavis firmitate alia roboratis
statutis, & consuetudinibus, stabilimentis, usi-
bus, & naturis, ac Ordinationibus Capitulari-
bus, privilegiis quoque, Indultis, & literis Apo-
stolicis in contrarium præmissorum quomodolibet
concessis, confirmatis, & innovatis. Quibus
omnibus, & singulis illorum tenores, præsentibus
pro plene, & sufficienter expressis, ac de verbo
ad verbum insertis habentes, illis alias in suo
robore permanentis, ac præmissorum effectum
hac vice dumtaxat specialiter, & expresse de-
rogamus, ceterisque contrariis quibuscumque.

§. 13. Volumus autem, quod præsentium li-
terarum transumptis, seu exemplis etiam im-
pressis manualibusque Notarii publici subscriptis, &
sigillo personæ in Ecclesiastica dignitate consti-
tutæ munitis, eadem proferus fides ubique ha-
beat, quæ ipsis præsentibus haberetur, si for-
rent exhibitæ, vel ostensæ.

Datum Romæ apud S. Mariam Majorem sub
Annulo Piscat. die 16. Junii 1738. Pont. nostri
Anno VIII.

Indultum, ut tres domtaxat Fratres Ordinis Ere-
mitarum S. Augustini Provincia SSmæ Nomi-
nis Jesu antiquiores Doctores graduati in Uni-
versitate Mexicana, qui condiciones ad præ-
missum effectum præscriptas adimpleverint,
privilegiis Magistrorum dicti Ordinis uti va-
leant.

CLEMENS PP. XII.

Ad futuram rei memoriam.

§. 1. **E**Xponi nobis nuper fecit dilectus filius
Didacus Salinas, & Cabrera Assistent Gen-
eralis Hispaniæ a Provincia SSmæ Nominis Jesu

1738.
pretium 300
scut. Judici
in Insula Me-
liten. remit-
tendæ.

Præsentium
Literarum
perpetua ob-
servantia.

Derogatio
contrario-
rum.

Fides dupl
transumptis.

Dat. die 16
Junii 1738.
An. VIII.

CCXXXVI.

Causæ novi
concedendi
Privilegiu.